

祁門縣志

卷首至卷七

地 230.187  
36  
:1 ~ 3

重修祁門縣志序



新安為東南鄒魯文學之士  
彬彬如也祁之建邑始自唐  
沿至宋元人文漸盛竄著者  
莫如方巨山汪環谷兩公獨  
恠此兩公著作等身何弗纂

輯祁志以為一代文獻之宗  
使後之學者有所徵信意巨  
山丁宋之衰勢不暇及而環  
谷枕經薛史志在闡明聖學  
又不屑為此歟祁志自汪子  
相黃巨川先後纂輯其書僕

未之見見者惟萬歷康熙兩志僕讀之竊有疑焉作志之體宜與史相表裏史有儒林文苑列傳舊志儒林之外又有儒行等門其類雜可疑者一史藝文志只載書目舊志

於游戲應酬之作風雲月露之詞無不收入其文濫可疑者二且以岳忠武王精忠貫日史傳昭然舊志載其過東松庵與僧子珣問答之語極為謬妄其詞誣可疑者三其

他於體未合於義未安者難  
更僕數夫今之志即古時察  
利害與賢能成禮俗政治之  
書非細故也道光乙酉陶大  
中丞雲汀先生倡修安徽通  
志檄各郡邑修志以陳余既

纂修郡志取諸舊郡志而更  
定之僕甲子同年中州王明  
府礪東時令祁閭亦取祁之  
舊志刪其雜去其濫正其誣  
閱三載勒為成書明府學純  
識卓政簡刑清故上下協和

輸將恐後又聘貴池桂孝廉  
名超萬者執筆而舉邑中賢  
者任其事宜其考據精詳文  
義簡貴俾僕亦得附名簡端  
並垂不朽是僕之厚幸也夫  
時

道光七年歲在丁亥嘉平月  
賜進士出身知江南徽州府事  
會稽馬步蟾撰



祁門縣志序

州邑有志何昉乎周官誦訓  
道方志外史掌四方之志籍  
素小行人利害禮俗之書鄉  
大夫德行道藝之書即志也  
顧古時風氣樸淳簡編核實

至後世不無偽濫而郡縣志  
亦無傳者此則世運為之矣  
讓以為志與史異而同作史  
者必其文可傳天下後世其  
心可質天地鬼神而後稱良  
史作志者奚獨不然祁之有

志自元末汪子相始其書罕  
有存者嗣後永樂志作於黃  
助教巨川萬厯志纂於謝中  
丞大涵至康熙初脩江南通  
志重脩祁志上之張侍御遂  
若實主其事然讓嘗誦張君

辛未會試元墨及所著潛虬  
齋制藝滿灘出塵風骨卓々  
與志書如出兩人或曰志能  
出其手而同人竊書其名此  
為近之讓壬午來攝是邦始  
興是舉以五日京兆不果越

甲申大憲察是邦人士頗與讓宜并知玄浚見思之喜復妻視篆因題補焉遼陶大中丞倡脩安徽通志檄各州縣輯志以陳讓謀之兩學廣文集諸父老議之僉曰此千我

一特之嘉會也惟所命夫上下協和兵革不試得與邦人觀文成化者太平之樂事也上有仁明之憲下達民情以備國史之採俾山川生色幽隱畢彰者地方之厚幸也而悉考

與國察其利弊以便興除表  
章善良以勸為懲者又邑宰  
化民成俗之大端也是役也  
讓矣辭焉第讓不敏恐言之  
不文貽梨棗羞恥襄理得人  
小可於是明年延陽湖孫明

府訪山耒耒筆數月採訪未  
齊旋應江右之聘以去又明  
年延貴池桂孝廉丹盟耒并  
集紳士之賢者董其事相與  
博考羣書遍搜金石先取舊  
志刪其繁補其缺正其訛本

安徽通志新定條例參以歷  
代正史體裁而於各鄉採訪  
所陳凡康熙甲子以後百四  
十年之事務核實蹟不我空  
言奮筆直書絕無偏倚至所  
採前朝逸事則各門後附以

補遺此書出未知於天下後  
世何如讓與纂脩華事諸君  
竊竊以此質諸天地鬼神尔  
道光六年歲在丙戌季冬月  
知祁門縣事新鄭王讓謹撰



祁門重修縣志凡例

一舊志建置從簡今沿革作表并記大事而附省事郡事於上俾源委瞭然以便觀覽

一山川水利古蹟等門考証羣書註明出處新補者註明採訪明有據也名宦人物等門亦然

一舊志載有祠宇考他郡邑志體例無載及此者徽俗雖重宗祊然紛紛登載反恐冒濫茲概不登錄故家大族人所共知固不以此爲榮也

一邱墓前志已載者照舊存之茲只載名賢忠義及三品以上宦業爛然者餘俱不載以示限制

祁門縣志

卷首

凡例

一舊志缺武備一門今補之

一舊志選舉一門例貢由文庠出身者俱載非由此者不載今仍之又援例職銜由文庠出身及曾經實授地方者并載餘不錄

一康熙府志人物一門儒碩文苑之外又有績學宦業之外又有勲烈經濟風節康熙縣志儒林之外又有儒行未免複冗今刪去績學儒行立儒林文苑刪去勲烈經濟風節立宦績從正史及通志例也

一舊志孝義合類今從通志例分孝友義行爲二

一舊志人物分類多未當處如汪汝淵應入隱逸而列忠

節陳大道應入義行而列宦業其餘不可枚舉今一一斟酌易之

一 祁邑幽芳錄作於嘉慶二年卷一載節孝已旌者卷二載前朝列女卷三載當時已故者卷四載當時現在者卷四中善善從長不無濫予今列女傳採其一二三卷盡載之其四卷所載必已旌及採訪冊具有切結者方載

一 康熙舊志藝文一門於游戲應酬之作風雲月露之詞無不收入未免冗濫茲照通志只載書目凡著作關乎祁地詞有可取者係之山川古蹟祠廟各門關乎祁人

祁門縣志

卷首

凡例

二

文有可傳者收之人物各傳史記漢書奏疏詞賦俱載列傳此其例也

一 此次修志原續修康熙志以後之事至前朝所遺必有確據方可載入今採訪冊憑譜牒開列於選舉人物各類之後附以補遺亦數典不忘之意

一 舊志沿誤殊多其大者如岳忠武師過東松庵與僧子珣問答之語極爲謬妄又痛指水碓之害昧於利弊恐誤興除關係不小今一一按辨附於各條之下不復另立辨訛一類

祁門縣志圖

四境圖

城垣圖

縣署圖

學宮圖

書院圖

青蘿巖圖

閭門圖

鳳凰山圖

共計八圖

祁門縣志

卷首


圖

五






縣署圖



祁門縣志 卷首

圖

城垣圖



五



邢門縣志 卷首

圖

五

書院圖

